



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KT 0023960 23
Sarajevo, 05.01.2024. godine

SUD BOSNE I HERCEGOVINE
- Sudiji za prethodno saslušanje –
SARAJEVO

Na osnovu člana 35. stav 2. tačka i), člana 226. stav 1. i člana 227. Zakona o krivičnom postupku Bosne i Hercegovine, p o d i ž e m:

О П Т У Ж Н И Ц У

PROTIV:

NENADA KOVAČEVA, zvanog „Neno“, [REDACTED] rodenog [REDACTED] 1994. godine u mjestu Loznica, Republika Srbija, [REDACTED] državljana BiH, [REDACTED]

Što je:

Dana 21.04.2023. godine oko 19:24 sati, osumnjičeni Nenad Kovačev, radi sticanja protivpravne imovinske koristi, na međunarodnom graničnom prelazu Orašje, na izlazu iz BiH prema Republici Hrvatskoj, pokušao nezakonito prevesti grupu od 12 lica državljana Republike Turske i to osobe:

[REDACTED], postupajući protivno članu 6. Protokola protiv krijumčarenja migranata, kopnenim, morskim i vazdušnim putem kojim se dopunjuje Konvencija UN protiv transnacionalnog organiziranog kriminala („Službeni glasnik BiH“, broj: 3/02) i članu 7. stav 2. Zakona o Graničnoj kontroli („Službeni glasnik BiH“ broj: 53/09, 54/10 i 47/14), znajući da prevožena lica ne ispunjavaju uvjete za zakonit prelazak preko državne granice BiH prema Republici Hrvatskoj, niti ispunjavaju

uvjete za zakonit ulazak u zemlje Europske Unije odnosno da u tim državama nemaju odobren boravak ili prebivalište, kako je to propisano članom 8. stav 1. Zakona o strancima („Službeni glasnik BiH“, broj: 88/15 i 24/21) i to na način da je upravljajući teretnim vozilom marke Mercedes-Benz, registarskih oznaka BiH [REDACTED], sa priključnim vozilom marke Schmitz, registarskih oznaka BiH [REDACTED], prethodno se dovezao na njemu poznatu lokaciju gdje je i omogućio ulazak ukupno 12 lica državljana Republike Turske u pregrađeni skriveni dio priključnog vozila-hladnjače, svjestan da zbog malog prostora i nedostatka zraka može ugroziti život, zdravlje i sigurnost migranata, pa se potom s ciljem ilegalnog prevođenja navedenih lica preko državne granice Bosne i Hercegovine u Republiku Hrvatsku, dovezao do MGP Orašje gdje je na navedenom graničnom prelazu prilikom vršenja kontrole vozila i pregledom donjeg dijela priključnog vozila hladnjače od strane pripadnika Granične policije BiH uočen u prednjom desnom dijelu priključnog vozila, prepravka poda u vidu poklopca od oko 50x50 cm, gdje je nakon skidanja istog pronađen skriveni pregrađeni dio priključnog vozila, a u kojem su se nalazila prevožena krijumčarena lica državljanima Republike Turske, pa je osumnjičeni Nenad Kovačev postupajući na ovakav način ugrozio život, zdravlje i sigurnost migranata.

Dakle, da je

Radi pribavljanja imovinske koristi, pokušao prevesti više osoba preko državne granice, ugrožavajući pri tome život, zdravlje ili sigurnost krijumčarenih osoba.

Čime je počinio krivično djelo Krijumčarenja ljudi iz člana 189. stav 3. u vezi stavom 1. KZ BiH i u vezi sa članom 26. istog Zakona.

T U Ž I L A C
TUŽILAŠTVA/TUŽITELJSTVA BiH